



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726-444; 726-400
fax. +387 33 726-423
e – mail: info@voda.ba

Broj: **UP-1/21-2-40-342-2/26**
Datum: **15.07.2026. godine**

«Agencija za vodno područje rijeke Save» Sarajevo, rješavajući po zahtjevu pravnog lica «BH Telecom» d.d. Sarajevo – Izvršna direkcija za investicije, za donošenje rješenja o vodnoj saglasnosti na projektну dokumentaciju za aktivnost – izgradnju pristupne mreže FTTH Žepče – naselje Preko, općina Žepče, na osnovu člana 109. stav (1) a u vezi sa članom 12. stav (1) tačka 1. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), donosi

R J E Š E N J E **o vodnoj saglasnosti**

1. Daje se vodna saglasnost pravnom licu, «BH Telecom» d.d. Sarajevo – Izvršna direkcija za investicije, za aktivnost – izgradnju pristupne mreže FTTH Žepče – naselje Preko na desnoj obali rijeke Bosne na dijelu parcele označene kao k.č. broj 4/165 K.O. Žepče-Van, općina Žepče, a prema tehničkoj dokumentaciji:
 - Glavni projekat izgradnje pristupne mreže FTTH Žepče – naselje Preko, općina Žepče urađen od «BH TELECOM» d.d. Sarajevo - Izvršna direkcija za investicije broj: GP PM WBS-IR 4/25.312, maj 2026. godine (Knjiga 1/3 - Kablovska kanalizacija; Knjiga 2/3 – Kablovski dio; Knjiga 3/3 – Kućne instalacije) te revidovan od «TING» d.o.o. Žepče, juni 2026. godineOva vodna saglasnost može se koristiti isključivo u postupku pribavljanja odobrenja za građenje u skladu sa Zakonom o prostornom uređenju i građenju Zeničko-dobojskog kantona («Službene novine Zeničko-dobojskog kantona», broj 17/23).
2. Vodna saglasnost se donosi na osnovu pregleda dostavljene projektne dokumentacije iz tačke 1. dispozitiva ovog Rješenja, koja se ovjerena vraća podnosiocu zahtjeva na trajno čuvanje i čini sastavni dio Rješenja.
3. Vodna saglasnost se donosi na osnovu pregleda dostavljene projektne dokumentacije, utvrđenog činjeničnog stanja i pod sljedećim uslovima:
 - 3.1. Radove na izgradnji pristupne mreže FTTH Žepče – naselje Preko, općina Žepče na desnoj obali rijeke Bosne izvesti u skladu sa ovjerenom projektnom dokumentacijom iz tačke 1. ovog Rješenja.
 - 3.2. Tehnologiju izvođenja radova prilagoditi uslovima na terenu uz odgovarajuća osiguranja ljudi i materijalnih dobara.
 - 3.3. Ukoliko se tokom izvođenja radova utvrdi da je trasa optičkog kabla u koliziji sa postojećim instalacijama i stečenim pravima korisnika, riješiti njihovo ukrštanje ili izmještanje, uz saglasnost nadležnih preduzeća odnosno organa uprave.
 - 3.4. U toku radova, iskopani materijal se ne smije ni privremeno odlagati na česticu «vodno dobro», odnosno u vodotoke i na njihove obale.
 - 3.5. U toku izvođenja radova, neophodno je poduzeti sve potrebne mjere zaštite kako predmetnim aktivnostima ne bi došlo do nastanka štete ili nepovoljnih posljedica po vode i vodni režim kao i postojeće korisnike voda.
 - 3.6. Po završetku radova na izgradnji pristupne mreže FTTH Žepče – naselje Preko, općina Žepče potrebno je izvršiti uređenje obale i pojasa rijeke Bosne u kojem su vršeni radovi te lokalitet očistiti od gradilišnog otpada.
4. Investitor (korisnik vodne saglasnosti) dužan je prije početka radova na izgradnji pristupne mreže FTTH Žepče – naselje Preko, općina Žepče ispuniti sve uslove propisane rješenjem o urbanističkoj saglasnosti UP-I-Broj:03-19-1-476/2025 izdatom dana 03.12.2025. godine od strane Službe za graditeljstvo i prostorno uređenje Općine Žepče.
5. Ukoliko se u toku izvođenja radova i korištenja predmetnih instalacija i pratećih objekata telekomunikacione mreže prouzrokuju štetne promjene režima voda i naruši stabilnost korita i obala vodotoka i kao posljedica toga nastanu štete trećim licima, podnosilac zahtjeva je obavezan otkloniti nastale štete, a procijenjenu štetu nadoknaditi.

6. Višak materijala iz iskopa koji će se pojaviti prilikom izvođenja pratećih radova na izgradnji predmetne pristupne mreže, a koji ne bude iskorišten za predmetne radove potrebno je odložiti na deponiju izvan vodnog dobra vodotoka, a sve u skladu sa uputama korisnika ove vodne saglasnosti, ukoliko nije drugačije definisano odredbama Ugovora sa izvođačem radova.
7. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na instalacijama i pratećim objektima telekomunikacione mreže obuhvaćenim ovom vodnom saglasnošću, korisnik zaštitnih vodnih objekata nije odgovoran za nastale štete.
8. U periodu važenja ovog rješenja, izvođač radova je dužan provoditi sve mjere i aktivnosti propisane u dispozitivu ovog rješenja kao i uslove propisane od strane drugih nadležnih organa ukoliko isti nisu u suprotnosti sa uslovima iz ovog rješenja.
9. Ova vodna saglasnost prestaje važiti istekom roka od dvije godine od dana pravosnažnosti rješenja, ukoliko u tom roku nije pribavljeno odobrenje za izvođenje predmetnih radova i nisu započeti radovi na izgradnji predmetne pristupne mreže FTTH Žepče – naselje Preko u skladu sa projektnom dokumentacijom iz tačke 1. dispozitiva ovog rješenja.
10. Po završetku izvođenja radova i obavljenog tehničkog pregleda izvedenih radova, korisnik vodne saglasnosti dužan je podnijeti zahtjev za izdavanje vodne dozvole. Zahtjev se dostavlja u skladu sa članom 12. stav (3) i članom 19. stav (2) Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH», broj 31/15, 55/19, 41/20 i 63/22).
11. Ovo rješenje o vodnoj saglasnosti može se izmijeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

O b r a z l o ž e n j e

Pravno lice, «BH Telecom» d.d. Sarajevo - Izvršna direkcija za investicije, obratilo se ovoj Agenciji dana 13.07.2026. godine sa zahtjevom za izdavanje vodne saglasnosti za aktivnost - izgradnju pristupne mreže FTTH Žepče – naselje Preko na desnoj obali rijeke Bosne na dijelu parcele označene kao k.č. broj 4/165 K.O. Žepče-Van, općina Žepče a u postupku pribavljanja odobrenja za građenje.

U provedenom postupku, uz zahtjev za izdavanje vodne saglasnosti dostavljena je i pregledana sljedeća dokumentacija:

- Ovjerena kopija Rješenja o izmjenama podataka o upisu u sudski registar broj: 065-0-Reg-24-004991 izdatog dana 14.01.2025. godine od strane Općinskog suda u Sarajevu,
- Ovjerena kopija Uvjerenja o poreznoj registraciji izdatog dana 13.10.2014. godine od strane Porezne uprave Federacije BiH – Kantonalni porezni ured Sarajevo,
- Ovjerena kopija Uvjerenja o registraciji/upisu u Jedinstveni registar obveznika indirektnih poreza broj: 04/1-17-1-UPJR/1-6808-2/14 izdatog dana 11.11.2014. godine od strane Uprave za indirektno – neizravno oporezivanje Banja Luka,
- Glavni projekat izgradnje pristupne mreže FTTH Žepče – naselje Preko, općina Žepče urađen od strane «BH Telecom» d.d. Sarajevo broj: GP PM WBS-IR 4/25.312, maj 2026. godine (Knjiga 1/3 - Kablovska kanalizacija; Knjiga 2/3 – Kablovski dio; Knjiga 3/3 – Kućne instalacije) te revidovan od «TING» d.o.o. Žepče, juni 2026. godine,
- Kopija Rješenja o prethodnoj vodnoj saglasnosti broj: UP-1/21-1-40-437-4/25 izdatog dana 13.11.2025. godine od strane «Agencije za vodno područje rijeke Save» Sarajevo,
- Kopija Rješenja o urbanističkoj saglasnosti UP-I-Broj:03-19-1-476/2025 izdatog dana 03.12.2025. godine od strane Službe za graditeljstvo i prostorno uređenje Općine Žepče,
- Kopija Saglasnosti broj: 01.11/2025 izdate dana 04.11.2025. godine od strane MZ Preko Općina Žepče,
- Dokaz o uplati upravne takse.

Nakon uvida u dostavljenu dokumentaciju konstatovano je sljedeće:

U cilju optimizacije pristupne mreže koja će omogućiti pružanje širokopojasnih usluga korisnicima na području naselja Preko, općina Žepče i zadovoljiti potrebe krajnjih korisnika za kvalitetom usluga «BH Telecom» d.d. Sarajevo, planirana je izgradnja telekomunikacione pristupne mreže najsavremenijeg tipa. Mreža je planirana kao PTP FTTH (Point to Point Fiber to the Home) sa ciljem da zadovolji potrebe korisnika za narednih 30 godina. Za potrebe izgradnje navedene mreže u obuhvatu naselja Preko na desnoj obali rijeke Bosne (unutar granice vodnog dobra uz lokalnu saobraćajnicu) predviđena je izgradnja 6 armiranobetonskih okana (dim 80 x 80 x 80 cm) sa metalnim poklopcima uz armirano betonske stubove a za potrebe izrade nastavaka na optičkom kablju.

U obuhvatu naselja Preko, kablovski pravac se većim dijelom planira kao samonosiva, nadzemna optička mreža sa uklapanjem u postojeću kablovsku kanalizaciju za BS Kamenitovac i manjim dijelom kao podzemna trasa sa 2 x PEHD cijevi Ø50 mm (cca 235 m) u urbanom dijelu naselja u kojem nije bilo moguće postaviti nove stubove zbog uskog lokalnog puta. Razvodna mreža je u potpunosti planirana kao samonosiva (nadzemna) pristupna mreža. Izvodni ormarići u ovom dijelu mreže biće montirani na AB stubovima samostojeće razvodne optičke mreže. Stubovi i podzemna trasa BH Telecoma su pozicionirani na suprotnoj strani lokalnog puta od pozicije podzemnih kablova HT Eroneta kako bi se izbjegle sve eventualne kolizije.

Urbanističke uslove za izgradnju pristupne mreže FTTH Žepče – naselje Preko, općina Žepče, podnosiocu zahtjeva je kroz Rješenje o urbanističkoj saglasnosti izdala Služba za graditeljstvo i prostorno uređenje Općine Žepče.

U dokaznom postupku utvrđeno je da je projektna dokumentacija urađena u skladu sa uslovima iz Rješenja o prethodnoj vodnoj saglasnosti izdatog od strane ovog organa broj: UP-1/21-1-40-437-4/25 od 13.11.2025. godine te je shodno članu 114. Zakona o vodama, upisivanjem broja i stavljanjem otiska pečata ove Agencije na projektnu dokumentaciju: Glavni projekat izgradnje pristupne mreže FTTH Žepče – naselje Preko, općina Žepče urađen od strane «BH Telecom» d.d. Sarajevo broj: GP PM WBS-IR 4/25.312, maj 2026. godine (Knjiga 1/3 - Kablovska kanalizacija; Knjiga 2/3 – Kablovski dio; Knjiga 3/3 – Kućne instalacije), data vodna saglasnost na istu.

Na temelju utvrđenog činjeničnog stanja i uvida u dostavljenu dokumentaciju a u cilju smanjenja negativnih uticaja predmetne gradnje na stanje voda i vodni režim, podnosiocu zahtjeva su ovom vodnom saglasnosti, u tački 3. dispozitiva ovog rješenja, shodno odredbama člana 114. Zakona o vodama i člana 17. stav (1) Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH», broj 31/15, 55/19, 41/20 i 63/22), propisani uslovi koje je potrebno ispuniti tokom predmetne gradnje.

Uzimajući u obzir naprijed navedeno, utvrđeno je da, shodno članu 7. stav (1) tačka 7. i članu 12. stav (1) tačka 1. i stav (2) Zakona o vodama, sa aspekta sektora voda ne postoje smetnje da se podnosiocu zahtjeva, «BH Telecom» d.d. Sarajevo - Izvršna direkcija za investicije izda vodna saglasnost za aktivnost - izgradnju pristupne mreže FTTH Žepče – naselje Preko, općina Žepče, pa je riješeno kao u dispozitivu ovog rješenja.

Podnosilac zahtjeva je uplatio upravnu taksu u iznosu od 60 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi («Službene novine Federacije BiH» broj: 06/98, 8/00, 45/10, 43/13 i 98/17).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obrađivač akta: Nermina Hodžić, dipl.inž.građ.

Prilog:

- Ovjeren projektna dokumentacija: Glavni projekat izgradnje pristupne mreže FTTH Žepče – naselje Preko, općina Žepče urađen od strane «BH Telecom» d.d. Sarajevo broj: GP PM WBS-IR 4/25.312, maj 2026. godine (Knjiga 1/3 - Kablovska kanalizacija; Knjiga 2/3 – Kablovski dio; Knjiga 3/3 – Kućne instalacije)

Po ovlaštenju
Rukovodilac sektora za izdavanje vodnih akata


Nihad Pezo, dipl.inž.građ.

Dostaviti:

- «BH Telecom» d.d. Sarajevo - Izvršna direkcija za investicije
ul. Franca Lehara br 7, 71000 Sarajevo (prilog)
- Ⓢ AVP Sava, ISV - vodna knjiga
- Sektor 40 – arhiva
- Oglasna ploča AVP Sava